



ԵՐԵՎԱՆԻ ՔԱՂԱՔԱՊԵՏ ՈՐՈՇՈՒՄ

ՀՀ, 0015, ք. Երևան, Արգիշտի 1

№ 4318-Ա

« 07 » նոյեմբերի 2024թ.

ԳՆՈՒՄՆԵՐԻ ԳՈՐԾԸՆԹԱՑԻՆ ՄԱՍՆԱԿՑԵԼՈՒ ԻՐԱՎՈՒՆՔ ՉՈՒՆԵՑՈՂ ՄԱՍՆԱԿԻՑՆԵՐԻ ՑՈՒՑԱԿՈՒՄ ՆԵՐԱՌԵԼՈՒ ՄԱՍԻՆ

Երևանի քաղաքապետարանի և «ԷՅ ԴԻ ԳՐՈՒՊ» ՍՊ ընկերության /այսուհետ՝
Ընկերություն/ միջև 25.09.2024 թվականին կնքված ԵՔ-ԳՀԱՇՁԲ-24/177 ծածկագրով
Կապալային աշխատանքների կատարման գնման պայմանագրի (այսուհետ՝
Պայմանագիր) 1.1 կետի համաձայն՝ Կապալառուն պարտավորվում է սույն պայմանագրով
սահմանված կարգով, նախատեսված ծավալներով, ձևով և ժամկետներում կատարել սույն
պայմանագրի N 1 հավելվածով սահմանված ծավալաթերթ-նախահաշվով նախատեսված
Երևան քաղաքի Նոր Նորք վարչական շրջանի վարչական շենքի դահլիճի ընթացիկ
վերանորոգման աշխատանքները (այսուհետ՝ Աշխատանք), իսկ Պատվիրատուն
պարտավորվում է ընդունել կատարված աշխատանքը և վարձատրել դրա համար:

Պայմանագրի 3.1.4 կետի «ա» ենթակետի համաձայն՝ Պատվիրատուն իրավունք
ունի միակողմանի լուծել պայմանագիրը և պահանջել հատուցելու իրեն պատճառված
վնասները, եթե.

ա) Կապալառուն ժամանակին չի սկսում աշխատանքի կատարումը կամ
աշխատանքը կատարում է այնքան դանդաղ, որ դրա ժամանակին ավարտը դառնում է
ակնհայտ անհնար:

Պայմանագրի 1.3 կետի համաձայն՝ Պայմանագրով նախատեսված աշխատանքները
սկսվում են պայմանագիրն ուժի մեջ մտնելուց հետո և կատարման ժամկետը սահմանվում
է՝ համաձայն հավելված 2-ի:

Պայմանագրի հ.2 հավելվածի աշխատանքների կատարման ժամանակացույցի
համաձայն՝ աշխատանքների կատարման ժամկետ է սահմանված տեխնիկական
հսկողության ծառայությունների մատուցման պայմանագիրը ուժի մեջ մտնելու օրվանից
սկսած մինչև 30-րդ օրացուցային օրը:

Տեխնիկական հսկողության ծառայությունների մատուցման պայմանագիրն ուժի
մեջ է մտել 11.10.2024 թվականին:

Ըստ վերոգրյալի՝ Աշխատանքների կատարման համար Պայմանագրով սահմանված
է 11.10.2024 թվականից մինչև 08.11.2024 թվականը ժամանակահատվածը:

Հաշվի առնելով այն հանգամանքը, որ 30.10.2024 թվականի դրությամբ Ընկերությունը սկսած չի եղել Աշխատանքի կատարումը, որպիսի պարագայում դրա ժամանակին ավարտը դարձել է ակնհայտ անհնար՝ Երևանի քաղաքապետարանը, ղեկավարվելով «Գնումների մասին» Հայաստանի Հանրապետության օրենսդրությամբ, ինչպես նաև Պայմանագրի 3.1.4 կետի «ա» ենթակետով, միակողմանի լրիվ լուծել է կնքված Պայմանագիրը:

Պայմանագրի լուծման վերաբերյալ ծանուցումը հրապարակվել է տեղեկագրում սույն թվականի հոկտեմբերի 31-ին, և պայմանագիրը սույն թվականի նոյեմբերի 1-ի դրությամբ համարվում է լուծված:

Ղեկավարվելով «Գնումների մասին» Հայաստանի Հանրապետության օրենքի 6-րդ հոդվածի 1-ին մասի 6-րդ կետի «ա» ենթակետով և նույն հոդվածի 2-րդ մասով.

1. «ԷՅ ԴԻ ԳՐՈՒՊ» ՍՊ ընկերությունը ներառել գնումների գործընթացին մասնակցելու իրավունք չունեցող մասնակիցների ցուցակում:

2. Սույն որոշման կատարման կազմակերպումն ու պատասխանատվությունը դնել Երևանի քաղաքի Նոր Նորք վարչական շրջանի ղեկավարի վրա:

3. Սույն որոշման կատարման հսկողությունն իրականացնում է Երևանի քաղաքապետարանի աշխատակազմի քարտուղարը:

ՏԻԳՐԱՆ ԱՎԻՆՅԱՆ


